



Босна и Херцеговина
Агенција за идентификациона
документа евиденцију
и размјену података



Bosna i Hercegovina
Agencija za identifikacijske/identifikacione
isprave/dokumente, evidenciju
i razmjenu podataka

Broj: 15-03-16-5-62-81/19
Datum: 14.11.2019. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. Zakona o javnim nabavkama („Službeni glasnik BiH“, broj 39/14) i člana 19. Zakona o Agenciji za identifikaciona dokumenta, evidenciju i razmjenu podataka BiH („Službeni glasnik BiH“, broj 56/08) direktor Agencije za identifikacione dokumente, evidenciju i razmjenu podataka Bosne i Hercegovine donosi:

O D L U K U o izboru najpovoljnijeg ponuđača

I

Najpovoljniji ponuđač u postupku javne nabavke nepersonalizovanih registarskih tablica i folija za bojenje tablica, objavljenom na *web* portalu Agencije za javne nabavke Bosne i Hercegovine, broj Obavještenja 1110-1-1-54-3-44/19 od 15.8.2019. godine i broj Ispravke za Obavještenje o nabavci 1110-1-1-54-8-53/19 od 9.10.2019. godine, i koji je proveden primjenom otvorenog postupka, je Konzorcijum VALUNA d.o.o. Sarajevo – KIG d.d. Ig, Slovenija.

II

Ova odluka će se dostaviti ponuđačima u roku od tri (3) dana, a najkasnije u roku od sedam (7) dana od dana donošenja.

III

Ova odluka stupa na snagu danom donošenja.

O b r a z l o ž e n j e

Poslije provedenog postupka nabavke, Komisija za provođenje postupka javne nabavke je konstatovala da je rok za dostavljanje ponuda 29.10.2019. godine do 10:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigle tri (3) ponude i to: ponuđača Konzorcijum VALUNA d.o.o. Sarajevo – KIG d.d. Ig, Slovenija; grupe ponuđača DBS d.o.o. Banjaluka i UTAL sp. z o.o. Poznan Gruszczyn, Poljska i grupe ponuđača LADA AUTO d.o.o. Banja Luka i EHA HOFFMANN International GmbH, Siegen, Njemačka. Neblagovremenih ponuda nije bilo.

Komisija je prema specifikaciji navedenoj u Tenderskoj dokumentaciji, provedenom postupku analize i ocjene ponuda izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača, te je



ocijenjeno da ponuda grupe ponuđača LADA AUTO d.o.o. Banja Luka i EHA HOFFMANN International GmbH, Siegen, Njemačka nije kvalifikovana jer ponuđač nije dostavio dokaze kako su traženi Tenderskom dokumentacijom, odnosno dostavio je nepotpune dokaze, dok su ponude ponuđača Konzorcijum VALUNA d.o.o. Sarajevo – KIG d.d. Ig, Slovenija i grupe ponuđača DBS d.o.o. Banjaluka i UTAL sp. z o.o. Poznan Gruszczyn, Poljska, kvalifikovane i prihvatljive.

Analizom ponuda, primjenom kriterijuma najniže cijene, Komisija je utvrdila da je najpovoljnija ponuda ponuđača Konzorcijum VALUNA d.o.o. Sarajevo – KIG d.d. Ig, Slovenija, sa ukupnom cijenom od **6.450.243,56 KM bez PDV-a**, odnosno **7.546.784,97 KM sa PDV-om**, te s obzirom da ista u ekonomskom i tehničkom smislu u potpunosti zadovoljava zahtjeve Agencije data je preporuka da se donese odluka o izboru najpovoljnijeg ponuđača.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem Agencije, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).



DIREKTOR

Dr. sc. Arif Nanić

Signed by: ANANIC
дигитално потписано / digitalno potpisano / digitally signed